

— 2 —

Kimiad eur zoudard yaouank

WAR DON : *Al labourer.*

Ma c'haloun a zo frailled dre nerz ma enkrezoù,
Ma daoulagad entanet n'ho deuz mui a zaelou
Deud eo ziuaz ! ann devez ma renkan dilezel
Lec'h kaer ma bugaleach, ma bro gaer Breiz-Izel !

Keno d'id, ma zi bian, kuzet barz ann draonien,
Tachen c'hlaç yar behini, bugel é c'hoarien ;
Gwez ivin ker bodennek, en disheol a bere,
En pad tomder ann hanvou, e kouskenn da greiz-de.

Keno ! keno ! mamm ha tad, breman n'esperit mui
E chomfe ho mab kared da harpa ho kozni,
Evit gounid d'hoc'h bara, vel m'oc'h euz great d'ezhan,
Al Lezen zo didræez, ho kuitaat a renkan.

Nag a wech, ma mamm dener, e renkfet-hu lenva,
Pa zeui ma c'hi ankenied e dro d'hoc'h da ruza ;
Pa welfot, war an oalet, va scabellik c'houllo
Hag ar c'hefnid o steui war ma fenn-baz dero.

Keno ! bered ar barrez, douarou biniguet
Pere a guz ma c'herent gand ar Zalver galvet ;
Da wel an Anaoun klemmuz, n'inn mui war ho peziou
Da skuilla dour binniget mesket gant ma daelou.

Keno ! ma muia karet, ma dousik kouant Mari,
Eur blandeden diremet a zeu d'hon glac'hari ;
Euruzdet ha levenez skeduz zo tremenet
Vel enn hoabl ar goumoulen gand ann avel kaset.

Na welin mui da lagad ker lemm ha ker laouen
O virvi gant plijadur, en ti pa erruen,
Da zournik gwenn ker mibin o trei ar c'har en dro,
Da vouez flour mui na glevin o kana wa gwerjo.

Pa oamp er c'hatekijou, hon daou c'hoaz bugale,
Hor c'halonou diskiant, en kuz a nem gleve,
Dirag Gwerc'hez ar c'hroaz-hent nag a wech et touejomp
Na erruje birviken disparti e trezomp.

— 3 —

Ken laouang ha dibreder, siouaz ! ne' vouiemp ket
Pegement a c'houerventez er vuez zo hadet ;
Evid omb ne oa, neuze, Lezennoù na Roue,
N'anveemp med eul Lezen, hini ar garante.

Keno, ma nez amezeck, Iannik ma gwir vignoun,
Kamarad ma c'hoariou, ma breur dre ar galoun,
Piou a gemero breman lod ebarz ma foanio ?
Piou a gomzo gan-in me deuz ar gear hag ar vro ?

Hep-z-oun te ielo breman d'ar parrezioù tosta,
Da bigosad al leurioù barz el lazou-dorna ;
Hep-z-oun te iel da c'hounid maoud ar c'hourennadek,
Da chasa war rubanoù ebarz er varadek.

Keno, ma c'hazek velen, skanv evel eun heiezh ;
Mistr evel eul logoden, gentil vel eun oanez,
N'ez santin ken, didan-oun, gand an hast, o tripal,
Ma daouarn mui ne stagind or zaeyen war da dal.

Keno ! ma c'hi keaz, Mindu, ma leal kamarad,
M'efomp ken, dre ar c'blizen, da glask roudou ar c'had ;
Ne glevin ken, er menez, da chilpaden skiltruz,
War ma deurn mui ne zantin da deod karantezuz.

Abenn eunn nebeud amzer, kalz a vignouned ien,
Barz er zoudard divroet, hep mar, ne sonjfont ken,
Mes de galoun te. Mindu, n'eo ket ken ankoezuz
Pell e ri c'hoaz va c'hanvou, gand da iezou klemmauz.

Keno ta plijadurioù, leurioù-nevez, prejou,
Festadegoù, nozvezou, foarioù ha pardonniou,
Ebatou ker birvidik, binioù zard ha sklentin,
Na drido mui va c'haloun dre da zonioù lirzin,

Keno kemend a garan, keno da virviken !
Pell ouc'h a Vreiz me varvo, mantret gand an anken,
Vel eur blantenn gizidik, evit ar vro krouet,
A renk gwenvi pe vervel, kerkent m'eo divroet,

PROSPER PROUX.

